



Despedida di PCN

PENSIOENFONDS CARIBISCH NEDERLAND

E siguiente tópikonan ta keda tratá:

- Kiko ta pasa ku bo penshun?
- Traspaso di balor
- Notifikashon di kambionan na PCN
- Baha ku penshun
- Bo ta bai emigrá?

Bo ta bandoná servisio: kiko ta pasa ku bo penshun?

Bo ta keda traha den gobièrnu, enseñansa òf kuido

Den e kaso ei bo ta akumulá via bo dunadó di trabou nobo tambe penshun atrobe serka PCN. Bo dunadó di trabou bieu ta kita bo nòmber for di nos atministrashon i bo dunadó di trabou nobo ta registrá bo. PCN ta djis kontá bo akumulashon di penshun serka ámbos dunadó di trabou huntu. Abo mes pues no mester regla òf mèldu nada pa bo penshun.

Bo no ta traha mas pa gobièrnu, den enseñansa òf den kuido?

Den e kaso ei bo akumulashon di penshun serka PCN ta stòp. Bo anterior dunadó di trabou ta kita bo nòmber na PCN i bo ta risibí un konfirmashon di salida di PCN. Kontrolá esaki semper minusioso.

Posiblemente bo ta bolbe konstruí penshun atrobe un otro kaminda via bo dunadó di trabou nobo. E penshun ku bo a akumulá serka PCN te na e fecha di bandonamentu di servisio – e derechi liber di prima – ta keda naturalmente di bo. Bo tin dos posibilidat:

- Bo ta laga bo penshun keda para serka PCN te ora bo yega e edat di derechi di penshun;
- Bo ta hiba bo penshun na e fondo di penshun òf aseguradó di bida nobo. Esaki yama traspaso di balor. Esaki ta posibel tambe si bo bandoná e islanan BES.

Si bo no ta akumulá penshun via bo dunadó di trabou nobo òf bo ta desempleá, e ora ei bo no ta paga prima di penshun mas i bo no ta akumulá penshun. Bo penshun akumulá ta keda para pa bo na PCN te ora bo yega e edat di derechi di penshun. Abo mes no por sigui spar serka PCN.

Traspaso di balor

Bo por hiba bo penshun akumulá serka PCN na bo fondo di penshun òf aseguradó di bida nobo. Esaki yama traspaso di balor. Pidi un oferta sin kompromiso promé pa wak kuantu bo derechi bieu riba penshun ta bal den e areglo nobo. Ta ora ku bo ta di akuerdo ku esaki numa, traspaso di balor ta tuma lugá.

Semper pidi *denter di dos aña* despues ku sali for di servisio un oferta pa traspaso di balor saliente serka bo fondo di penshun òf aseguradó di bida nobo. Tene kuenta ku e trayekto tota di traspaso di balor por dura largu. Tambe nos ta mustra bo riba e echo ku e grado di kobertura di tantu bo ehekutor di penshun bieu komo nobo mester ta riba 100%. Tanten ku esei no ta e kaso, traspaso di balor no ta posibel.

Notifikashon di kambionan na PCN

Di awor en adelante abo mes mester mester mèldu nos si algu kambia den bo situashon. Di manera ku nos por lokalísá bo òf bo eventual (èks)partner si esei ta nesario. P'esei laga nos sa or abo ta bai:

- Kasa òf sera un Kombenio Oropeo registrá di pareha
- Diborsia
- Muda

Baha ku penshun

Si bo kier laga bo penshun kuminsá kore mas tempran, bo mester notifiká nos esei na tempu. Ta importante pa hasi esaki pa mas tardá seis luna promé ku e fecha nobo di entrada deseá di bo penshun. Esaki relashoná ku e proseso atministrativo.

Adelantá

Si bo kier pa bo penshun drenta mas promé na vigor, nos ta pidi bo pa notifiká esaki na nos. Ta importante pa bo hasi esaki no mas lat ku 3 luna promé ku e fecha di komienso, relashoná ku e trámitenan atministrativo.

Bo ta bai emigrá?

Bo ta sali for di servisio i ta emigrá pafó di Reino Hulandes? E ora ei bo por skohe pa kanselá bo penshun. Esaki nifiká ku bo ta risibí un pago un bia di PCN na lugá di un pago mensual pa bida largu for di bo fecha di penshun. Tuma kontakto pa esaki ku nos ofisina.

Kon bo por bin den kontakto ku PCN?

Bonaire office

Kaya General Carlos Manuel Piar #5
T +599 717 0984
E info-bonaire@pensioenfonds-cn.com

Orarionan ku ta habrí djaluna t/k djabièrnè
9:00 te 12:00or
13:00 te 16:00or

Sint Eustatius

Mazinga Square, Sint Eustatius
T +599 318 3218
E info-statia-saba@pensioenfonds-cn.com

Orarionan ku ta habrí djaluna t/k djabièrnè
8:00 tot 12:00or

Saba

T +599 416 68 60
E info-statia-saba@pensioenfonds-cn.com

Tin konsulta e último siman di kada luna na Saba (OLS) (ta posibel tambe pa hasi afspraak).

Online

F facebook.com/PensioenfondsCN
I pensioenfonds-cn.com

